



27. maj 2026

UPA2026/175

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaata allangortinneqarnissaa siunertaralugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsimmi piumasaqaataasut appartinnerisigut kommunini inoqarfiit ukiut tamarmik kulturikkut ingerlatsineq sunngiffimmilu sammisassaqaartitsineq pilersaarusiortalissavaat.

(Inatsisartunut ilaasortat, Mimi Karlsen, Inuit Ataqatigiit)

Inatsisartunut ilaasortap Mimi Karlsen Inuit Ataqatigiit siunnersuutaanut soqutiginarluinnartumut imatut Siumumiit oqaaseqassuugut.

Siumumiit isumaqarpugut kulturikkut sunngiffimmilu ingerlatsinerit inuiaqatigiinni ataatsimoornermik pingaarutilimmik pilersitseqataasut. Tamanna pingaartumik inoqarfinni minnerusuni tamani atuuppoq, tamakkunani aaqjissuussaasumik sammisassaqaartitsinissamut periarfissat amerlanertigut killeqarmata. Sunngiffimmi ingerlatsinerit pitsaasut ataatsimoornermik nukittorsaasarput, kisimiinnermut pinaveersaartitsisarlutik kiisalu meeqqat, inuusuttut inersimasullu nammineerlutik ineriartornissamut inuiaqatigiinnilu peqataanissamut periarfississallugit.

Taamaammat Siumumiit isumaqarpungut inuttaasut tamarmik, sumi najugaqaralarunilluunniit, kulturikkut sunngiffimmilu neqeroorutinut pitsaasunut periarfissaqaartariaqartut. Taamaattumik siunnersuuteqartup ajornannginnerulersitsinissamik siunertaqarnera pitsaasutut isigaarput. Maannakkut peqataasussat amerlassusissaannik piumasaqaatit najugaqarfinni mikinerusuni amerlanertigut naammassineqarnissaat ajornartutut oqaatigisariaqarpoq, immaqalu neqerooruteqaqqittoqartarani. Tamanna naammaginangilaq.

Inuusuttuaraagallaratta kulturikkut sunngiffimmilu neqeroorutit ukiukkut ingerlanneqaraagasa inuit ulluinnarni takusartakkatta nuannaartorisatta suliffimmini suliarisartagaanut kulturikkut sunngiffimmilu neqeroorutinut ilaatinneqaraagat paggattarluta eqqaamavara. Minnerunngittumik assessorissani iperternalaartortalinni. Tamakkua nassatarilluinnarunarpaat suliffeqalerusunneq ilinniagaqalerusuttarnerlu.

Taamaattumik Siumumiit kissaatigaarput sukumiisumik misissorneqassasoq qanoq ililluni holdinik pilersitsinissamut piumasaqaatit oqilisaavigineqarsinnaanersut neqeroorutillu pitsaassusaat piujuartitsinissarlu pigiinnarneqarlutik.

Kulturikkut ingerlatsineq sunngiffimmilu sammisassaqaartitsineq pillugu inatsisartut inatsisaata allangortinneqarnissaa siunnersuutigineqarpoq. Taassuma siunnersuuteqartup tunngavilersuutaani sunut agguaanera ilanngullugu oqaatingaa. Ilinniartitsunik peqartarput naliginnaasumik oorisaaqartitsinneqartartunik.

Tamakku eqqarsaatigalugit Siumumiit isumaqarpugut peqatigiiffiit, najukkami kajumissutsiminnik suliaqartut, soorlu timersoqatigiiffinni meeqqanut inuusuttuaqqanullu inuusuttunullu ullut tamaasa "ilinniartitsisut" unnukkut atuartistisartutuut aningaasarsiaqalersinneqarsinnaanerit



ataatsimiititaliami ilanngullugu misissorneqartariaqartoq. Taakku sumiiffinni amerlasuuni sunngiffimmut ingerlatsinermut pingaarutilerujussuarmik tapersiisuupput.

Siumumiit taamatut oqaaseqarluta siunnersuut ilalerlugu Naalakkersuisut allannguutissatut siunnersuutaat taperserparput.

Jess Svane
Siumut